

Frequently Asked Questions

1. NPS hi a tin ngam tak tak em ?

NPS hi PFRDA Act, 2013 hnuai a mi a ni a. Lok Sabha leh Rajya Sabha in an pass hnuah ni 18.09.2013 ah President of India-in a pawm (signed) a. Ni 19.09.2013-ah Gazette of India-a publish a nih hnuin, ni 1.2.2014-ah Govt. of India-in Notification a chhuah leh bawk a. Mimal emaw pawl emaw duh dàna tih danglam a theih tawh loh avàngin a ng het a, sawrkar kuta awm a nih avàngin hlauhthawn túr a awm lo.

2. Old Pension, CCS (Pension) Rules, 1972 hnuai a mi te nena a danglamna?

NPS subscriber te hian old pension hnuai a mi te ham thatna dawn GPF leh sawrkar atanga pension/family pension an nei ve tawh lo. Old pension hnuai a mi te chuan pension-a an chhuah thla (last pay drawn) atanga chhutin monthly pension an hmu a. NPS-ah chuan, subscriber-in a service chhunga contribution a pêk leh sawrkarin a do lêtna atangin pension hunah annuity a lei ang.

3. Annuity chu engnge ni?

Subscriber-in a pension hnuai thla tina pawisa (monthly pension) a hmuu theihna túr a ni. Insurance company thlan bik (Annuity Service Providers) atangin annuity scheme a duh ber leiin pension a hmu ang.

4. Annuity leina pawisa a zo thei em ?

Annuity leina pawisa hi a tlêm emaw a tam emaw lâk zawh mai theih a ni lo.

Pawisa lâk theih hun chhung rei záwng chu scheme lei dànah a in nghat zawk a ni.

5. Subscriber Grievances-in eng te nge a huam, a ching feltu túr tu te nge ?

Grievances te chu:

- i. PRAN Kit dawng lo.
- ii. Details (record) dik lo.
- iii. Withdrawal request chungchang.
- iv. Pawisa (withdrawal amount) dawng lo.
- v. Transaction statement dawng lo.
- vi. Contribution luh dàn/hriattirna dawng lo.

Subscriber-in IPIN hmangin www.cra-nsdl.com a 'Grievance Option' ah a harsatna a thawn thei a. Tin, A&T-ah a thlen thei bawk a ni.

6. Annuity Service Provider(ASP) hi engnge ?

Annuity Service Provider (ASP) chu subscriber-in NPS a chhuahsan (exit) huna monthly pension petu tur a ni. PFRDA-in ASP a thlan te:

- 1) Life Insurance Corporation of India

- 2) SBI Life Insurance Co.Ltd.
- 3) Bajaj Allianz Life Insurance Co.Ltd.
- 4) HDFC Standard Life Insurance Co. Ltd.
- 5) ICICI Prudential Life Insurance Co. Ltd.
- 6) Reliance Life Insurance Co. Ltd.
- 7) Star Union Dai-ichi Life Insurance Co. Ltd.

7. Annuity chungchangah hriat ka nei lo a, engtin nge ka bawhzui ang?

Subscriber chuan NPS a chhuahsan (exit) hunah annuity scheme a lei dawnin hriatthiam loh a neih chuan NPS Section, A&T ah kalin zawhfiah theih a ni.

8. Upload, matched & booked (Contribution kal kual dàn) te hi engnge a awmzia?

- ❖ Upload awmzia chu CRA, Mumbai hnena subscriber pawisa (cash) thawn (transfer) tur te, CRA system-a online-a a thu (file) a thawn hmasak sawina a ni.
- ❖ System-in a pawm Upload file te tâna CRA-in Transaction Id a rawn thawn hmangin fund te chu Trustee Bank (Axis Bank), Mumbai-ah thawn a ni a. Trustee Bank-in pawisa a dawn te chu Pension Fund Managers (PFMS)-ah thawn chhawngin, PFMs te chuan mimal tin account-ah an lo dah lût a. Mimal account-a a luh chiah hian matched & booked tia sawi a ni.
- ❖ Subscriber salary bill rualin DDO ten Challan & Annex III hmangin NPS Tier I atâna subscriber contribution tûr an deduct a, Govt. Account 007100500000000 (RAT) ah an deposit thin.
- ❖ Treasury Office-in Challan & Annex III an passed te chu Accounts & Treasuries Office-ah an thawn thin.
- ❖ **Challan Posting:** NPS Section, A&T chuan Treasury atanga Challan & Annex III an dawn angin excel file-ah mimal tin contribution chu an chhinchhiah a. Hemi chhinchhiahnaah hian govt. contribution te column hrangin chhinchhiah tel a ni.
- ❖ **Subscribers Contribution File (SCF):** Excel File-a post zagh a nihin CRA Excel Format-ah la lütin, Subscribers Contribution File an siam thin. (SCF-ah chuan PRAN, subscriber contribution, govt. contribution, month & year, regular/arrear, etc. te a awm).
- ❖ **File Validation:** SCF chu CRA website-ah online-in validate a ni a. Hemi stage-ah hian rejection/error a awm thin. PRAN dik lo leh chhan dang vàng a ni ber thin.
- ❖ CRA system-in a pawm (validated) ho zawng chu Online-in CRA, Mumbai te lo hmuh turin an system-ah UPLOAD a ni a. Upload chu CRA system-in a pawm chuan pawisa transfer-na tur PAOFIN (number) a rawn thawn nghal thin. Upload ah hian pawisa (cash) thawn a ni lo a, CRA, Mumbai-ah a thû (file) chauh thawn a ni. Subscriber Account a la lût thleng lo.
- ❖ **Bill:** CRA System-in a pawm upload ho zawng tân subscriber contribution leh Govt. Contribution Bill siam a ni:
 - i. **Subscriber Contribution Bill:** Govt. Account 007100500000000 (RAT) a DDO te'n chhanga an deposit te kha pawisa a chan tira lachhuak turin bill siam a ni.
 - ii. **Govt. Contribution Bill:** Govt. Account 207100117000000 (RNPS) atanga Subscriber Bill zât chiah sawrkard do lêtna pawisa lâkchhuahna tûr bill siam a ni.
- ❖ A chunga Bill pahnih te hi Treasury-in a passed hnuah SBI Dawrpui Branch-ah pawisa a chan tir a ni.

- ❖ Fund Transfer: Axis Bank, Aizawl atangin Pawisa (fund) te chu Trustee Bank, Mumbai Account-ah transfer a ni.
- ❖ CRA leh Trustee Bank te'n SCF leh Fund te chu a inmil em tih an endik. A inmil chuan Trustee Bank-in Pension Fund Managers (SBI, UTI, LIC) ah a transfer a.
- ❖ Pension Fund Managers te chuan subscriber account-ah an thun a. Subscriber account a thien chiah hian **Matched & Booked** tia sawi a ni. Subscriber Statement ah en theihin tarlan nghal a ni a, interest a hmu tan nghal thin.

9. NPS subscriber te tâna DDO tih tûr eng te nge?

1. Subscriber-in hna a zawm atanga a rang thei ang berah subscriber tân DDO chuan NPS Registration Form te A&T-ah a thawn sak ang.
2. Subscriber chu PPAN/PRAN allot a nih hnuah, A&T leh CRA atangin allotment order/ PRAN Kit te DDO-ah thawn a ni thin a. Heng thil te hi DDO hnen a thlenin record a dah leh subscriber hnenah pêkchhuah vat hi DDO mawhphurhna a ni.
3. Pay bill rualin subscriber contribution dik taka chhutna Challan & Annex III te Treasury-ah a submit thin tur a ni.
4. Subscriber-in NPS chungchanga hriat duh a neih te, harsatna a neih te leh siam that ngái a neih apiang te CCA Office-ah a thawnsak thin ang.
5. CCA Office/CRA atanga subscriber hnen tleng tur a dawn apiang a hma thei ang berin a hriattir/hlanchhâwng thin ang.
6. Subscriber chu service atanga a chhuah dâwnin wihtdrawal form leh buaipui tul apiangah a puin a buaipui thin ang.

10. NPS buaipuitu hrang hrang te inthlun zawm dan leh an mawhphurhna engnge?

- ❖ **DDO:** Subscriber thawnna, hlawh a lákna office emaw chumi office-a hlawh bill pass tu sawina a ni. DDO chuan -
 - i. Subscriber Registration form te Nodal Office (A&T)-ah a thawn ang
 - ii. Subscriber contribution Challan & Annex III te DTO ah a submit ang.
- ❖ **District Treasury Office (DTO):** DDO atanga subscriber contribution a dawn, Challan & Annex III te, Nodal Office-ah a thawn ang.
- ❖ **Nodal Office (CCA, A&T):** Nodal Office chuan -
 - i. DDO atanga subscriber registration form a dawn hmangin Permanent Pension Account Number (PPAN) a allot ang. PRAN dilna te CRA, Mumbai-ah a thawn ang.
 - ii. DTO atanga subscriber contribution a dawn leh govt. matching contribution te CRA, Mumbai leh Trustee Bank, Mumbai-ah a thawn ang.
- ❖ **CRA, Mumbai:** Central Record keeping Agency tihna a ni a. CRA atân hian National Security Depository Ltd. e-Governance Infrastructure Ltd. Mumbai ruat a ni.
 - i. Nodal office atanga CSRF1 Form a dawn angin PRAN a allot ang.
 - ii. Subscriber information tul apiang a thawn chhuak ang. Contribution File (Fund file) a dawng ang a, Trustee Bank nen en dûnin subscriber account (PRAN) a dah luh turin a buaipul ang.
- ❖ **Trustee Bank:** Trustee Bank atân hian Axis Bank Ltd., thlan a ni. Nodal office atangin contribution (cash) a dawng ang. CRA contribution file nena a inmil chuan PFM's a subscriber account-ah a transfer ang.

- ❖ **PFMs:** Pension Fund Managers tihna a ni. PFMs atân hian LIC, SBI leh UTI te hman mek a ni. Trustee Bank atanga contribution a dawn te chu PFRDA-in inkaihhruaina a siam angin a tipung (invest) ang. PFMs te'n contribution an in sem dâm chu LIC-31.50%, SBI-35%, UTI-33.50% a ni.
- ❖ **ASPS:** Annuity Service Providers tihna a ni. Subscriber-in NPS a chhuahsan huna pension petu tûr a ni.
- ❖ **PFRDA:** Pension Fund Regulatory & Development Authority tihna a ni. PFRDA hi ni 23rd August, 2003-a din a ni a. Govt. of India hnuia NPS lama thu neitu sang ber a ni.

11. *Subscriber-in nomination-ah mi eng zát nge a dah theih, nomination siam that theih dàn a awm em?*

Nomination-ah mi pathum thleng dah theih a ni. Nomination hi Form S2 hmangin siam thatna dil theih a ni.

12. *Eng tin nge subscriber-in PRAN details siam that a dil ang, PRAN details siam that theih te chu eng te nge?*

PRAN details hi Form S2 hmangin siam thatna dil theih a ni. Siam that theih te:

- i. Personal details
- ii. Bank details
- iii. Employment details
- iv. Nomination

13. *Mi pakhatin PRAN pakhat aia tama nei thei em?*

Thei lo. Mi pakhat tân PRAN pakhat chauh nei tûra ruahman a ni. PRAN nei tawh tân India ram khawi hmunah pawh a chhawm theih zel a ni.

14. *PRAN ka nei tawh a. Hmun dangah (other state/corporate, etc) hna thar ka záwm. PRAN thar dil a ngái em? Contribution te dil lèt a theih em?*

PRAN nei tawh tân hmun danga insawn pawhin PRAN thar dil a ngái lo. Office thara PRAN insawn dilna Form Intersector Shifting of PRAN (ISS-1) submit tur a ni.

Intersector Shifting of PRAN tih fel hnuah automatic-in contribution pawh a office hlui atangin a in transfer nghal ang.

15. *PRAN pakhat aia tam nei tân engtia tih tûr nge?*

NPS Nodal office-ah report tûr a ni.

16. *Subscriber insawn an awmin engtia tih tûr nge?*

NPS subscriber, Mizoram sawrkars hnuia mi emaw Mizoram sawrkars hnuia mi ni lo (Central, States, Corporate, etc.) emaw PRAN nei tawh phawt chu a hlawh lákna (DDO) thin ni lo, hmun dangah (DDO hran) a hlawh lákna a sawn chuan a hma thei ang berin subscriber insawn hriattirna Form ISS-1 (Inter sector Shifting of PRAN) A&T Office (Nodal Office) ah submit tur a ni. Form hi subscriber-in a thawhna thar DDO atangin A&T-ah a forward tir ang.

17. Sawrkarin a do lêtna (Govt. Matching Contribution) hi eng tik hunah nge subscriber-in a dawn ang?

Subscriber contribution te CRA/Trustee Bank a thawn a nih rualin Govt. Contribution pawh thawn nghal zel a ni. Govt Contribution tür hi kum tin State Budget-ah dah sa vek a ni.

18. Pension hmain Tier I-a pawisa te hi a lák chhuah theih em?

Pension hmain Tier I-a pawisa te hi lákchhuah theih a ni:

- i) 1st Withdrawal - Kum 10 service hnuah ama contribution (Govt. contribution tel loin) a tangin 25% a lachhuak (withdraw) thei ang.
- ii) 2nd Withdrawal - 1st withdrawal atanga kum 5 hnuah vawi hnihna a dil theih.
- iii) 3rd Withdrawal - 2nd withdrawal atanga kum 5 hnuah vawi thumna a dil theih.

19. Dearness Allowances a punin NPS contribution a pung ve ang em?

Pung ve ang. NPS contribution hi Basic pay+D.A. atanga chhût zel tur a ni.

20. Thla laklawha Subscriber insawn (transfer, etc.) an awmin khawi office záwkin nge contribution cut ang?

Hlawn pe tamtu záwk office-in contribution a full-in a cut ang.

21. Subscriber pakhat chu rei lo té hnuah hna atangin bán a ni a. Contribution a lo ve te a lák lèt theih em?

NPS Exit guideline-in a sawi angin NPS subscriber te hi an contribution te lachhuak tür chuan hna atanga an chhuah (superannuation, voluntary, resign, etc.) dànin awmzia a nei lo. A hma lama tarlan tawh '**NPS-a Pawisa awm lákchhuah dàn**' angin pawisa lákchhuah dil tur a ni. Bàn pawh ni se a pawisa lákchhuah dân a danglam lo ang.

22. Transaction Statement hi subscriber te thawn an ni em?

Transaction Statement hi CRA atangin kum tin July thla ral hmain subscriber address (communication address) a thleng turin thawn thin a ni.

23. Transaction Statement mamawh tán khawi atanga lák tûr nge ?

I-PIN hmangin www.cra-nsdl.com atangin download theih a ni. Tin Accounts & Treasuries Office-ah pawh lam theih a ni.

24. NPS Tier I a pawisa hi kum khat chhunga a punna (rate of interest) eng zát nge?

NPS pawisa punna hi rate siam sa (guaranteed return) a awm lo. Investment. (NAV based) a innghat a ni a, ni tin a thar zêlin www.npscra.nsdl.co.in ah en theih a ni.

25. NPS zawmtu mi eng zát nge awm tawh?

India ram pumah NPS subscriber 1,31,38,805 (as on July/2016) an awm.
Mizoram bikah chuan NPS subscriber 5126 (as on October/2016) an awm.

26. *Khawi atangin nge form hrang hrang te leh a hmanna te a hmuh theih ?*

NPS Form hrang hrang te leh a hmanna tür hi https://npscra.nsdl.co.in/state_forms.php ah te download turin a awm.